



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.


e-mail : tiryimyim@gmail.com

TAPAK 3 Yangia anidakangma : [Tir Yimyim](#) [tir_yimyim](#)

[tir yimyim](#) TAPAK 7

**Delhi Chief Minister Arvind Kejriwal
Tihar jail nungi chiokogo**

**Ukraine-i long-range weapon amshira
NATO rara nung adener akumtsü**



VOL. XXI ISSUE NO. 332 (ADOK 332) DIMAPUR KÜPTOKNÜ (SATURDAY) RONGJUI (SEPTEMBER) 14, 2024 ₹ 5.00

ILP atema 'cut off year' ka dang amshitsü nenshir

Dimapur, September 13, 2024 (TYO): Assam nung National Register of Citizens (NRC) mapa tenzükba ajanga 2018 nung Joint Committee for Prevention of Illegal Immigrants (JCPI) tentet.

Nagaland nung tongti kin hohotem aser CSOs ajanga JCPI tentet aser onoki Dimapur nung BEFR Act 1873/ILP tenzüksü atema takhangba agüja arur ta Media Cell, JCPI-i ashi.

Nagaland nung lisopurtem jangjatsü atema JCPI-i Nagaland statehood day December 1, 1963 amshitsü takhangba agütsür ta parnoki ashi.

Tawa Nagaland sorkari Indigenous Inhabitant of Nagaland jangjatsü atema 5/12/1963 nung electoral roll nung züluokertem, 1/12/1963 jakdang house tax agüja arurtem aser 1/12/1963 matongdang kimung-kiojen alirtem aser patta yanglurtem asütsü ta shia lir.

December 9, 2019 nü Dimapur district ka dang alidang ILP benok saka iba nung ashishitep adokbaji cut off year (November 21, 1979) atema liasü. Nagaland Sorkarsangdong nung "Tribal Belt or compact area" ta shia lir aser JCPI-i iba tesem nung aliba Kuki, Kachari, Garo, Mikirs (Naga indigenous Inhabitants) den asüngdangtepang cut off year ji statehood day amshiba nung parnoki ashishitep kecha maliasü ta Media Cell-i sangdong nung ashi.

September 11, 2024 Cabinet

lemtet nung Dimapur, Chumoükedima aser Nuiland nung ILP benokba ya mapa tasen ka masü. Anungji Nagaland nung ILP atema cut off years balala ana malitsüla ta JCPI-i ashi.

December 10, 2021 nü Nagaland nung SARFAESI Act mapa tenzükogo aser iba nung banks-i agiba kimung-kiojentem indigenous Inhabitants dang dang ayoktsü lateta lir. Ano, Register of Indigenous Inhabitants of Nagaland (RIIN) ajanga mapa nung shilem lenzükba kümzüka ayur aser Arrla 371A nung lisopur ali kibur kümzüka ayuba den tanga maongka aser tajangzük aika agüja lir.

Nagaland nung RIIN takok ngua inyakbaji December 1, 1963 nung ajemdaker asütsüla aser Nagaland nung indigenous Inhabitants tashishitsü melii aser ochishia jangjatsüla ta JCPI-isa metedaktsü.

Assam nung NRC yangluba aser linük nung CAA tenzükba sulen JCPI-i Nagaland nung ozüng alema arurtem tebilemtsü atema inyaka arur anungji Nagaland sorkari cut off year atema public den asüngdangyatsüla kechiyong iba policy ajanga tarutsü putu dak kongshitsü. Nagaland nung tangatetba shitak alirajaki sorkari lendong bentsür arutsüsa inyakba mapa anema ola adoktsü ayongzüker aser sorkari parnok lemtet meypa reprangshitsü mepishir ta JCPI-isa ashi.

IMCT-i NSDMA aser Nagaland sorkar nem tenüngsang agütsü



Chief Secretary Dr. J. Alam, IAS-i Inter - Ministerial Central Team (IMCT) den senden amendang agiba noksa ka angur. (DIPR noksa)

Dimapur, September 13, 2024 (TYO): September 13, 2024 nü Chief Secretary & Chairman SEC NSDMA lenisüba kübok Inter - Ministerial Central Team (IMCT) den osang metetpelaogo.

2024 küm Nagaland nung anentsüh aser tzümetüsüng ajanga teraksa bentsür aruba asadangtsü atema IMCT aru.

"Alima lendong ya khen dang ataloker masü saka Nagaland nung alirtemi küm piyong lendong balala ajurua arur. Anungji IMCT centre sorkar dang Nagaland nung alirtemi ajuruba khuret balala osang lemsateptsü ayongzüker" ta Nagaland State Disaster Management Authority (NSDMA) Advisor Z Nyusieto Nyuthe-i ashi.

"Nagaland nung geological condition tashimait aser iba ajanga küm shia alima lendong balala ataloker" ta Joint secretary (FFR), Ministry of Home Affairs, Anant Kishore Saran-i ashi.

"Central assistance schemes kübok Nagaland nem tang atema tenüngsang agütsür" ta

paisa metedaktsü.

"Nagaland nung tzüngluruwa lendong balala ajurur anungji gari lenmang nung temulung agüja mapang shitak nung teyari agütsü ayongzüker. Nenoki Nagaland semdangi aruba aser lendong asadangba atema pelar" ta Chief Secretary, Dr J Alam, IAS-i ashi.

Iba sentong nung OSD, Nagaland State Disaster Management Authority, Johnny Ruangmei-i IMCT, NSDMA aser DDMAs ajanga renemba presentation ka lemsatep.

Inter - Ministerial Central Team (IMCT) nung Assistant Director, Ministry of Rural Development Ranjana Saini; Superintending Engineer Ministry of Jal Shakti, CWC, MS Saravana Kumar; Superintending Engineer Ministry of Road Transport and Highways, Adelbert Susngi aser Section Officer Department of Expenditure, Ministry of Finance, Atul Bamnai nunger dena lir.

NBSE-i Holistic Progress Card (HPC) atema training agi



September 13, 2024 nü NBSE HALL, Kohima nung NBSE Chairperson Asano Sekhose den ketdangsürtem aser tesayurtem külemi agiba noksa ka angur.

Dimapur, September 13, 2024 (TYO): Nagaland Board of School Education (NBSE)-i Dream A Dream den yaritepa Class 9 aser 10 tesayurtem asoshi Holistic Progress Card (HPC) - Thriving Progress Profile training ka agiogo.

Iba sentong nung district 10 nungi Class Teachers 32 aden aser iba ya National Education Policy (NEP) 2020 nung shilem

ka lir.

Iba training session nung NBSE Chairperson Asano Sekhose-i o jembidang Holistic Assessment tangatetba ka nüngdakba ashi.

Iba session ya Research & Impact Dream a Dream nungi Anagha C-i agi aser Dream a Dream team Nagaland ajanga yaritep. Iba training nung temulung agütsübjati tesayurtem dang Holistic Progress Card meteta alitsüba liasü. Iba dang Thriving Progress Profile (TPP) ta-a ajar.

Manipur: I-services lapok; shisaliok reju ajak shibanger

Guwahati/Imphal, September 13, 2024 (Agencies): Manipur sorkari valley districts pungu nung broadband connections ajanga internet services lapoktsüogo.

Imphal nung kaketshirtemi lungkak aitba sülen anogo asemnu mobile data aser internet services shibangba sülen sorkari tanü internet services lapoktsü.

Manipur kübok Imphal West, Imphal East, Thoubal, Bishnupur aser Kakching district tem nung maneni mobile data services shibangtsü ta Manipur sorkari

metedaktsüogo.

Osang aser video tamajung prokshiba noktangtsü atema sorkari internet services shibangtsü telemtetba agia liasü.

Külen, Manipur sorkaris September 14, 2024 tashi shisaliok reju ajak shibangtsü tetuyuba agütsüogo.

Iba tetuyuba kübok Government, Government-aided, Private, and Central Schools den Higher & Technical Education Department kübok Government & Private Colleges ajak adener.

Iba training session nung NBSE Chairperson Asano Sekhose-i o jembidang Holistic Assessment tangatetba ka nüngdakba ashi.

"Asenoki benshia aruba assessments ajanga kaketshir ka dak keta alibatem masadangteter anungji asenoki Holistic Assessment mapa inyaktsüla" ta

Inter Ministerial Central Team-i Zunheboto semdang



Dimapur, Rongjui/Sept. 13 (TYO): Inter Ministerial Central Team (IMCT) to Nagaland ajanga September 11, 2024 nü Zunheboto district semdanga meyi mapang alinen aser tzümetsüng agi kongshir aliba tesemtem tsüngtong oa asadanga liasü.

Iba team nungya Joint Secretary, Ministry of Home Affairs, New Delhi (Freedom Fighters & Rehabilitation Division) Anant Kishore Saran lenisüba kübok Superintending Engineer, Ministry of Jal Shakti, Department of Water Resources, Regional Office Central Water Commission, Shillong (Meghalaya), Sarvana Kumar; Superintending

Engineer, Ministry of Road, Transport & Highways, Regional Office Guwahati, Adelbert Susngi; Assistant Director, Ministry of Rural Development, New Delhi, Ranjana Saini aser Section Officer, Department of Expenditure, Ministry of Finance, New Delhi, Atul Bamnai nunger tem liasü.

Aji masüdang parnoki District Administration, DDMA züngsemtem, ZTC aser department balala nungi ketdangsürtem den Deputy Commissioner, Zunheboto indang Conference Hall nung ajurutepa pei district nungi DDMAs temi PowerPoint presentation agüja liasü aser taküm meyi mapang alinen/tzümetsüng amala alimar lendong ajuruba indang osang tejangga agütsü.

Iba senden nung department balalai central team den

PowerPoint amshia tang tensa indang lemsatepa liasü.

Iba sülen parnoki kanga sashia kongshia aliba colony aser tesemtem semdanga yangji alinen aser tzümetsüng agi kongshir aliba kibongtem aser colony lenirtem den sensaksema liasü.

September 12 nü IMCT yagi Tuensang, Shamator aser Noklak nungi District Administration den DC Zunheboto indang Conference Hall nung ajurutepa pei district nungi DDMAs temi PowerPoint presentation agüja liasü aser taküm meyi mapang alinen/tzümetsüng amala alimar lendong ajuruba indang osang tejangga agütsü.

Kiphire DPDB nung Shiksha Mitra Samarthan Abhiyaan tenzük

Dimapur, Rongjui/Sept. 13 (TYO): Shiksha Mitra Samarthan Abhiyaan ya Kiphire District Planning & Development Board indang aser Deputy Commissioner, Kiphire, Temsuwati Longkumer, NCS ajanga ratetba sentong ka lir. Iba Abhiyaan ya September 12, 2024 nü DPDB Hall, Kiphire nung tenzuka liasü.

Iba scheme kübok ita tenet pilot scheme ka yangluo lir, kong district nung aliba ketdangsürtem district indang Assembly Constituency ana

nung aliba ama clusters ana kuma sadang.

Iba Abhiyaan ya Deputy Commissioner-i supervise asütsü aser SP-i achayangtsü. Cluster ana ya 60 A/C Cluster atema ADC, Kiphire aser ADC, Pungro nati anir alitsü aser 59 A/C Cluster ya ADC Seyochung aser SDO (C) nati anir alitsü.

Iba cluster ana nung pilot phase mapang school tem adopt asütsü atema külemi inyaktsü atema ketdangsürtem lemsatsü, koba February 2025 nung tembangtsü, aser ibai

academic session tenzüktsü mapang alitsü, aser cluster shia yangluba Model Schools ya Abhiyaan kumda kumda tsütsü aser iba mapang ketdangsür shia district nung school ka-ka adopt asütsü.

Shiksha Mitra Samarthan Abhiyaan nükjidong ya school tem tajungba kuma indaktsütsü aser renlokda kumda tsütsü asoshi engine ama kumda kumda tsütsü nükjidong nung lir.

Iba project nükjidong ya school tem "Prerna Pathshala" (Inspirational Schools) kumda kumda tsütsü asoshi lir.

Deputy Commissioner, Kiphire ajanga ketdangsür ajunga dang teka amteper school tem model schools ama kumda kumda tsütsü asoshi inyaktsü atongzük aser kasa mapang tesayurtem inyaktsü, ki ojen tem kanga junga meita aotsü ashi.

DC Chümoukedima ajanga travel advisory sangdong

Dimapur, Rongjui/Sept. 13 (TYO): Lenmang yanglubishi maparen tenzuka tang teinyakdak aliba mechii Chümoukedima Town (Old Check gate) nungi New Chümoukedima ajanga Old Chümoukedima tashi aoba lenmang ya gari ajunga atema September 13, 2024 nikongdang 6:00 ako nungi anepdang 6:00 ako tashi tarutsü nung sangdong ka magütsü tashi shibangtsü, ta Deputy Commissioner, Chümoukedima

ajanga sangdong ka nung metedaktsü.

Iba mapang Chümoukedima nungi Kohima leni atuba aser Kohima nungi Chümoukedima leni aluba gari (light motor vehicles) tem 7th Mile-Pimla - Mhainamtsi- Medziphemai-Kohima aser Nuiland-Kohima via Ghotovi - Zhadima lenmang nung jaja atatsü, ta ashi.

Senzüempenger ajaki kanga kumdanga sentong yanglur senzütsü ayongzüker, ta sangdong ajangasa ashi.

DC Kohima ajanga polling stations Draft List indang metedaktsü

Dimapur, Rongjui/Sept. 13 (TYO): Deputy Commissioner & District Election Officer, Kohima nung Election Branch indang Notice Board nung angutsü.

Iba Draft list nung tai apusü kar danga lira tezüluba nung Deputy Commissioner & District Election Officer, Kohima nem September 19, 2024 tashinung agütsüla, ta sangdong ajanga ashi.

Sangdong ajanga ashiba agi, Kohima district atema Polling Stations indang Draft List renema lir aser reprangteptsü atema Office of

Kohima nung District Water & Sanitation Mission senden amen

Dimapur, Rongjui/Sept. 13 (TYO): District Water & Sanitation Mission (DWSM) senden ka Deputy Commissioner indang Conference Hall, Kohima nung September 13, 2024 nü DC & Chairman DWSM Kohima, Kumar Ramnikant, IAS den mena liasü. Iba senden ya Kohima district nung water tap connectivity aser mürekmejutsüba nung rangloker amen, kong department balalai inyaka Kohima nung yimtsüng shia kilen ajunga nung water tap connectivity noklang shilem takok angitsü atema inyaktsü ayongzük.

Deputy Commissioner, Ramnikant-i Jal Jeevan Mission (JJM) kübok nükjidong takok ngua inyaktsü atema monthly targets ayutsü junger, ta ashi.

Pai department tem dang data lemsateptsü, cross verify asütsü, metokmeperi metongshitsü aser lungjemer inyaka Kohima nung yimtsüng shia kilen ajunga nung water tap connectivity noklang shilem takok angitsü atema inyaktsü ayongzük.

Executive Engineer, Public Health Engineering Department (PHED) ajanga Kohima aser Tsemintu district nung JJM inyaktsü indang osang agütsü aser Kohima nung yimtsüng 76 nung yimtsüng 71 ya PHED kübok aser tanüngba pongu ya Rural Development Department ajanga repranger ta ashi.

JJM nükjidong ya December 2024 tashinung yimtsüng nung aliba kilen shia water tap connectivity inoktsütsü lir.

NCORD Mokokchung-i pharmacy tem sema jaja

Dimapur, Rongjui/Sept. 13 (TYO): District Level Committee for Narcotic Coordination Centre (NCORD) ajanga September 9 & 10, 2024 anogotem Mokokchung Town kübok pharmacy tem semdanga jaja liasü, ta CMO Mokokchung sangdong ka ajanga ashi.

Iba mapang mozü ayokba dokan 18 nung CCTV camera inoka maliba aser dokan 23 nung H, H1, X register maliba ngutet, koba parnok nem totuyuba agüja aliba nung aibelenba lir.

Iba den külemi inspection mapang pharmacy tem semdanga shibangja liasü, ta ashi.

Ajisüaka iba mapang

Niuland kübok yimdaklir tetsür nem training balala agütsü

Dimapur, Rongjui/Sept. 13 (TYO): Yimdak-yimtsüng nung aliba tetsür nem training balala tejakleni aotsü atema rongsenketzung tsütsü pei peria alitsüji kanga tongtipang lir, ta lai ashi.

Lai training agirtem dang parnoki angazükba mapa kuma amshitsü aser ano dangar nema training tali agüja pei sasa pei poksünga lidaktsütsü ayongzüka liasü.

Iba yagi rongsenketzung aser libaliru jenjang tajungba kuma melenshitsu aser district tejakleni anitsü, ta ashi.

Lai iba sentong nung training agir nisung 25 nem toolkits den kulizing kaket agüja liasü.

Iba sentong nung Officer in charge, WITI Chümoukedima, Ruyazeli Keyho menden liasü aser Employment Officer, Nibizo Nagi ajanga melepzung o jembia sentong tembang.

District aser state renloka

süür aliba mozü nguteta tekumda kumda tsütsü metedaktsü aser bond agreement zülutepa liasü, ta sangdong ajanga ashi.

Iba mapang mozü ayokba dokan 18 nung CCTV camera inoka maliba aser dokan 23 nung H, H1, X register maliba ngutet, koba parnok nem totuyuba agüja aliba nung aibelenba lir.

Iba den külemi inspection mapang pharmacy tem semdanga shibangja liasü, ta ashi.

Ajisüaka iba mapang

**GOVERNOR'S SECRETARIAT
NAGALAND :: KOHIMA**

ADVERTISEMENT

Dated Kohima 12th Sept 2024.

No.G-06/4/A-III/19

- Application are invited from all eligible candidates for filling up the following vacant posts under this establishment:
- Item No. 1 - 1 (one) post of Generator Operator in the Pay Matrix Level-3 under the Governor's Secretariat, Raj Bhavan, Kohima.
 - Item No. 2 - 5 (five) posts of Bearers in the Pay Matrix Level-2A under the Household establishment of Raj Bhavan, Kohima.
 - Item No. 3 - 2 (two) posts of Assistant Cook in the Pay Matrix Level-2A under the Household establishment of Raj Bhavan, Kohima.
 - Item No. 4 - 1 (one) post of Dhobi in the Pay Matrix Level-1A under the Household establishment of Raj Bhavan, Kohima.
 - Item No. 5 - 2 (two) posts of MTS in the Pay Matrix Level-1A under the Governor's Secretariat, Raj Bhavan, Kohima.

The application should be addressed to the Commissioner & Secretary to Governor of Nagaland, Governor's Secretariat, Raj Bhavan, Kohima Nagaland and be submitted by hand on or before **30th September 2024**.

Terms and Conditions:

1. For Item No.1, the minimum educational qualification must be HSLC with ITI Certificate in electrician trade or equivalent Certificate in Wiremen License and work experience of minimum 2 (two) years.
2. For Item No.2, the minimum educational qualification must be HSLC with Diploma in Catering & Hotel Management. Preference will be given to applicants working in government recognized hotels/star hotels, institutions undertakings.
3. For Item No.3, the minimum educational qualification must be HSLC with Diploma in Hotel Management/Catering or with specialized training certificate on Indian and International Cuisine/Bakery and Confectionary. Preference will be given to applicants with working experience.
4. For Item No.4, the minimum educational qualification must be Class-8 passed with basic working knowledge of Hindi. Candidates must also possess knowledge of laundry techniques including washing, drying, ironing, folding clothes and operation of laundry equipment's.
5. For Item No.5, the minimum educational qualification must be Class-8 passed.
6. Age limit will be as per the standing Government of Nagaland norms
7. Candidates fulfilling the criteria may submit their application with photocopies of all relevant documents and two recent passport sized photographs. The applicants are required to clearly indicate details such as email id, contact details (WhatsApp no) and full postal address in their applications for correspondence.
8. The appointment will initially be for a minimum probation period of two years depending upon their performances and if found satisfactory subsequent regularization shall be done.
9. Please note that applications with incomplete documentation and details for correspondence will be summarily rejected and no separate intimation for this will be sent.
10. Candidates canvassing in any manner shall stand disqualified.

Sd/-
(Rajesh Soundararajan) IAS
Commissioner & Secretary to Governor.

**GOVERNMENT OF NAGALAND
DIRECTORATE OF SCHOOL EDUCATION
NAGALAND :: KOHIMA**

NOTIFICATION

Dated Kohima, the 11th September 2024

NO. ED/PLN/ PVT-SCHOOL/DATA/2024 :: In pursuance of the Department's initiative to streamline and update the records of all Private Schools in the State, a comprehensive data collection exercise will be conducted. This is to ensure accurate and up-to-date information for effective monitoring and support.

All Pre-schools and Private Schools are hereby informed to fill up the **Google Form** provided for this data collection and submit it on or before **30th September 2024**. This includes all Schools affiliated with various Boards. The link to the Google Form will be made available on the Department's Official Website <https://education.nagaland.gov.in/>

For any queries or assistance regarding the data collection process, please contact **9485276690**.

(THAVASEELAN K) IAS
Principal Director

Delhi Chief Minister Arvind Kejriwal Tihar jail nungi chio kogo

September 13, 2024 nü Supreme Court-i Delhi Chief Minister aser AAP tongti, Arvind Kejriwal nem bail agütsüba sülen party nung inyakertem benjungtepdang tangokba noksa nung angur.

Centre sorkar aija Kejriwal-i, BJP den central agency temi asalentong yanglur pa anema inyaka tiyazü nung jail nung puok, ta ashi.

"Ni tang tasü taitba kümogo, jail ajanga ni tasümeiti mekümdaktsütettsü," ta pai ashi.

Osangbenertem den jembidang AAP nungi Rajya Sabha MP, Raghav Chadda-i, "Iba anogo ya AAP aser democracy atema anogo tajung ka. Tanü ochi agi takok nguogo," ta ashi.

Hokolbar nep Supreme Court-i Arvind Kejriwal nem bail agütsü. Justices- Surya Kant aser Ujjal Bhuyan nati akümba bench-i pa nem bail agütsü.

Delhi excise poliy ken o dak sendakba nung taküm March 21 nü Enforcement Directorate (ED)-i Kejriwal pua liasü. Pa ED ket nung lia June 26 nü CBI ia pa apu.

Taküm Lok Sabha election mapang nung Delhi nung AAP atema nüboymitsü asoshi SC-i pa nem anogo ishika atema bail agüja liasü.

New Delhi, Rongjui/ September 13 (Agencies): "Tamasa ni Tsüngrem dang pelar, kechiyong Pa temoatsü Hokolbar nikongdang AAP ajanga ni yangi nokdaka lir. Tongti lenir aser Delhi Chief Minister, Arvind Kejriwal Tihar jail nungi chio kogo; jail kima pa pusemertemi "Kejriwal zindabad" ta ayimdena pa agizük.

Delhi excise policy ken o dak sendakba nung testüba ita pezü tashi Kejriwal jail nung liasü.

Jail nungi aluba sülen Kejriwal-i, linük nung telesma adokdaktsürtem anema raratsü atema pa 100 ben agi tasü taitba kümogo, ta metedaktsü.

"Kü taküm ya linük atema bendanga agütsür. Kü taküm mapang ajak aser kü dak aliba azü-jang ajak linük nem bendanga agütsür. Ni taküm nung timtem aika nguogo aser ajangshiogo, saka kü mera ajak nung Tsüngremi ni yariogo, kechiyong ni ochishia liasü," ta paisa metedaktsü.

F.No.1-2/2022/Advt.173(PPL)/R-1/Pt.File
National Council of Educational Research and Training
Sri Aurbindo Marg, New Delhi - 110016
(Recruitment - 1 Section)

**SANGDONGER**

1. National Council of Educational Research & Training-i Ajmer, Bhopal, Bhubaneswar, Mysuru aser Shillong nung parnok indang Regional Institute of Education nung (imlabä vacancy 1 densema) Principal posts 05 (Group 'A') atema Advertisement No. 17 5/2024 sangdonger. Temsü aliba telatbatem aser osang tejangja NCERT website: www.ncert.nic.in (ink Announcement-Vacancy-Academic) nung reprangang.
2. Advt. No.175/2024 atema application tabensa agizüksü asoshi tatembangbuba anogoji Employment News nung iba sangdong agütsüba anogo nungi tenzüka anogo 21 tashi asütsü.

**Under Secretary
R-I Section**

CBC 21104/12/0004/2425



September 13, 2024 nü New Delhi nung Dadra & Nagar Haveli, Daman & Diu and Lakshadweep Administrator, Praful Patel-i linük tatong Tir, Jagdeep Dhankhar ajurudang tangokba noksa nung angur.

September 19 nungi 25 tsüngda tzüngluruwa mongpu süiadoktsü

New Delhi, September 13 (Agencies): India nung tzüngluruwa mongpu September 19 nungi September 25 tashi nungbo süiadoktsü, ta India Meteorological Department (IMD)-i metedaktsü.

Linük nung tzüngluruwa mongpu ya June 1 tashi nung Kerala nung tenzüker aser July 8 tashi nungbo linük tesem ajak ayimjemer. Yamaji tzüngluruwa mongpu ya September 17 nungi tenzüka northwest India nung süiadoker aser October 15 tashi nungbo linük tesem ajaklen iba mongpu tembanger, ta IMD-i metedaktsü.

June 1 nungi tenzüka ita pezü tsüngluruwa mongpu tenzüker linük nung tzünglu 836.7 aruogo aser ibaji normal 772.5 mm dang nungi shilem 8 agi teimba liasü.

Anüdoklen India aser IMD-i metedaktsü.



September 13, 2024 nü Geneva nung India External Affairs Minister S. Jaishankar-i India nungertem ajurudang tangokba noksa nung angur.



TIR YIMYIM

YIMOBILEM (EDITORIAL)

DIMPUR

KÜPTOKNU

RONGJUI 14, 2024

Mapa makaba lima !

Alima nung teinyakner metenbo mapa inyaker meinyakma kar saka asenokbo asen lima nung mapa inyakner saka teinyaktsü maka ta kazütepba pur jentinangka lir. Itemji zünger mapa mangurtem kija masü mesüra mazüng memetetba agi mapa inyaktsü manguba purtema masü saka government nung yimsürtemi anir ita sen achirtem teimbaka mapa inyakner saka mapa maka ta amajok nung mapang endoka alima nung amonger. Ibai tesasatsüka lir, kechiyong alima nung nisung taküm arishi ya tatsüka dang aser tatsüka nungjia mapa reprangteta inyakdi asüyonga mapa inyaktsübo küm ishika dang lir. Aji oda, government mapa nung alirtema inyakdi asüyonga küm semer shi dang inyakerbo anentsü aser idangjibo tantsür tambur kümmer alitsü. Kasaji, government mapa nungsa meinyakyonga taküm junga arishia alirtem asoshia shitakba mapa jeta inyaktsübo küm 40 shi dang inyaktettsü. Aji oda, mapa inyaktsü mapang tajung nung mapa maka kazüa senzütsüba, ashiko karibо jangratema bilema alitsü akok saka aji chiyongtsü mapang nung chi mechiyong senzür amai asütsü. Nagaland nung iba tensa tia ya kodang biledangdir, government nunga mapa inyaktsü atema department-bo zünger mezüngma kümkteta lir saka mapa inyakba mong kangabo mangur. Aji oda, lenmang yangluba department lir saka office aika lapokba dang ashi, bendanglen khen khen lenmang tajung nung jajaba dak alaka asen lima nungbo lenmang tajung nung mejaja dang, joko, kümsülsü süir. Kasaji, electric light tashi agütsütsü asoshia tesem ajaklen office lapoka lir, saka government-i yinzü aser yindong tejen melentsüa makoker, anungji asenokbo amang nunga mulungzung agi dang yimdong nunga aser kidanga awadentsüa dang adoker. Nisung alidak ajak nung kaketshisatsü angazükdaktsütsü asoshi government-i kaketreju peria lapokja lir, saka government-i lapokba kaketrejutem nung tazünger mali, anungji sayunüyonga kaketshirtem mali tesayurtem aika amajok nung mapang endokdaktsür. Aji oda, nebortem nem aluyimdaktsütsü asoshi department ka dang masü aika kümkteta lir, anungji tokolakbo aika aser mapa inyaktsü purtema aika saka alu meyimdaktsüteter, anungji mapaa maka tachitajemtsüa maka ta asenok aika kazüa Civil Supply purtem ajanga agütsüba relief jang chiyonga alima nung amonger. Aji kanga temenungratsükabo masü ! Aji oda, aluyimertem züsentetba yokdaktsütsü asoshi department tapu balalai tesem tesem nung aonsutsü ayokdak ' Marketing Shed' yanglutsür, saka alu mayimer nung kong shirnoki kechi züsentetba ayoktsü ? Iba amaji asenoki mapa kar inyakba ya tesü inyaktsüba tama aser tama inyaktsüba tesü ta mapa ajak langkushishi kümdkaktsür. Tanü asenok asoshi tebilemtsü tulubaji, tilartembo yutsür yimsüsür aser tulurtema mapa teinyaktsü maka office ajak azüng-azünga kümogo. Aji oda, asenok nisungtem ya office nunga mangur, alu nunga mali aser mapa inyakba tesem kecha nunga asen nisungbo mapa inyaka mangur ta asenokbo ajak kidangmonger aküm asü (?) ta asensasa asen dang asüngdanga telangzüba bushitsüla. Iba telangzüba angutsü atema asenok tangatetba dangi arutsü asoshi asenoki asenoksasa asen taküm aser mapa tetezü angatettsü nüngdaker. Joko, asenoki kaketshisatsü bushia azüngba ya mapa meinyak kazüa amongtsü atema masü saka mapa inyaktsü azünger ta angatettsüla. Kasaji, government mapa nung inyakertemia ita sen atema inyaker masü saka nübortem nüngdak inyaktsütsü inyaker ta angatettsüla. Kasaji, arogo nung inyakertemia ita sen atema inyaker masü saka nübortem tanela taküm anepalutsü asoshi Tsüngremi tenyaba mapa inyaker ta angatettsüla. Kasaji, nisung shiai iba limai kazüi aru ta mangatettsüla saka ni ya iba limai kechi inyaktsü yok (?) ta anogo shia biledanga pei akokba, pei jangraba koba agi nübortem nem tajangzük agütsütettsü ta shisadanga mapa bushitsüla. Peii inyaktsüba mapaji peisasa mangutsüa aser makoktsüsa talangka nungbo oa malitsü.

OLEMSABANG

Yi, Yijemer, Yiyoker, Yiozüng

T. Meren Paul, Lower PR Hill, Kohima

(*Yashi adok nungi...*)

Temang tenük telen inyaksangshi ajak ya tokolok ajanga anishir. Tamasa tenuki angubaji idangjisa tokolok dangi report yoktsü. Tokoloki yakta kechi inyaktsü idangjisa lemteter tetsüng tepen aser tenüktelen dangi command yoktsü (coordination command) saka kodang tokolokji tepezü kümmer lidir telemtetba agiba menutsü aser osang benshibaji menuer. Kari anisangjagi action magiaka karijibo odar asünung kariaccident süa adoker. Central Motor Vehicles Act, 1988 Section 185 (a) kari anier shir dak azü 100 ml nungyi 30mg putetdir temerenhi sen fine aser jail agutsütsü shia lir. Europe aser U.S. nungkari anir dak temang nung yi marok chanu 2 (2 pint) dak tali lira temerenhi angur. 1992 küm ni New Castle University UK nung study attachment mapang kongnung Faculty Member family 2 den kù den India nunger asem densema dinner-i ao. First course drink arudang family ana kinüngtsü aser kinüngbo shibai kidangi aodang kari anitsü ibaji tama lemtep, kechiyong kari anitsüsangji yiji majemtsüla. Par pezü rongnung kinüngtsü kati ni mejemli aser kariji ni anidi ta shimet saka kingüngtsü katibo kinüngbo dangji na tejem aser kariji nai aniang ta nongloksü. Yamaji parnoki ozüngji akümtsübur aser anidaker.

Asenok Naga nunger aser asen Aor aiben tejokjok shisatsü (emotional) agi atemloker apusor. Laishiba nung nai nisung tetepset (Anitet 20:13) ta tejangja shia lir surnung Mungdangi anir Rev. Missionary, Pastor aser Deacon dem yi anema 'Fast unto Death' ta sur ayongzüka lumitsü tenzük, thia kaa Shri. S.C. Jamir Chief Minister aliba mapang denjia atahanungji amangbapur shinga yaseta masüdang iba NLTP Acts, 1989 benoka yi dokanajak shibanger yi ayokba mapang tatsüka asoshi anen. Naga nunger amangba purdemi bendanga agutsüba tamang sarasadem mapa agi masüsaka yaseta asütsüamokmeren tashi agi yi tongpang akokba agi tanüyi, yijemer aser yi ayoker lemdaka aliba jenjang tashi dang akoker südi, Tsüngrem pelatsüsa meinyaktet asüng ta kenkenbo bilermer. Tangatettem kar ali asü masüar, kenken lungben aonung senzüdang Dimapur Kohima lenmang ya Police mesüra Assam Rifle checking kecha mali asütsü. Hauni, anüngdang aonung tepiyong anogoshiabo checking/frisking mamener anungji edem lenla mapangji meteter yi ji abener südi. Yaküm yanü social media nung züngshiba America nung adalokba otsü ka, alinük tesem aser tenüngji nimulungzung nung mali saka yamai. Yimti ka nung tenlaki ka den tangteba Yi Dokan ka amenok anungji arogopur demi iba yi dokan ya shibangjang, ainshidakjang ta kanga tenoka Tsüngrem dang sarasadem aser Yi dokan kimaji temokok agi tsüketer sarasadem. Ita eshika süir külen kenü anogo mi lendong tuluka adoka iba Yi donkan ji menakrepa rongdok. Arogo purdemji Tsüngrem-i sarasadembalangzüoko ta Tsüngrem nem tenüngsang aguja pelaseta sarasadem. Yi dokan kibur lagi arogo purdemi par dokan shibangjang ta Tsüngremdang sarasadembalagi sayadenya ajanga par Yi dokan rongdoktsüogo ta Court nung temenok meshia ken o benok. Okaba anogo nung dokan kiburi arogo anema temenok meshia ken O benokbaji O bendanger lagi zünga ashi, saka arogo nungeri mi lendongji parnok sarasadembalagi sayadenya mapalagi amanger saka külen Arogo nungeribo Tsüngrem sayadenya mapalagi mamangerato ta remark agutsüba otsü ka lirh. Asenoka Arogo aser Mungdangi yamaji Yi ayokdak kimai oagi sarasadem agidanga lirma?

NLTP Acts, 1989 nung shia aliba temerenhi ozüng, yi mayoktsü, yi mabentsü, yi kidang mayutsü, yi majemtsü, yi tamajung meyanglutsü, yi yangluba oset tsüset kecha mayutsü telemtetba Ozüng ya koma azüoka inyaktsü? Lenmang yimdong, shishilempa dak aser lokdi atenshidak kecha tesem nunga nisung shinga yi jemer malitsüla ta tenokdangba ozüng ya koma koda mapa kuma inyaktettsü shibaisa rajema asadangoko parnoki yakpang süa anir inyaktsü tenzüktsüla. Nisung ka dak yi menembaji tamasa tema nung menemer asütelung nungi menema adoker ar Breadth Analyzer agi tendanger positive süra police-i medical test atema hospital-i doctor dangi bener aotsü aser blood test agir resultji court dangi yoktsü. Iba ozüngji shidak amshitetra Police Thana aser jail nung masem yijemer dem pudentsü anungji tamasayongi ki sadema sülöklütsüla. Pua arurdem bener aotsü kari peria alitsüla. Duty inyaktsü asoshi officer aser constable peria alitsüla. Assam, Manipur, Arunachal aser Myanmar nungi Nagaland-i aitba lenmang ajak nung lenmang tesadem yanglur check gate yangluakari ajak shitsü-i mapok tsükmulungasar amai khu lapoka reprangtsüla. Yamaji süra Nagaland telungi Yi bottle kada maitdaktsütettsü. Can beer, fruit beer bo online courier service ajanga aitba menokdangtettsü südi.

(*Maneni asüng adok nung...*)

Iba Olemsabang nung lemsaba ken-o aser shisatsü ya iba ocet zürlüri bileyba ken-o ama tazünger angateta agitsü mepishir

Philippines nung YWAM Together 2024 senden ayongzüka agi



Philippines yimtiba, Manila nung Youth With a Mission (YWAM) Together 2024 senden nung tangokba noksa nung angur.

September 13, 2024: Alima tesem balala nungi missionary tem Philippines yimtiba, Manila nung ayongzükba Youth With A Mission (YWAM) Together 2024 senden nung aden.

YWAM nung linük 110 nungi nisung 4,500-i linük 120 nungi Tsüngrem tenzükdar.

Manila nung Christ's Commission Fellowship Church-i ayongzükba senden ya September 3 nungi tenzüka September 6 tashi agi. Iba senden ya mission dak sendakba tesayuba aser tekülem nung rangloker agiogo.

2018 küm Thailand kübok Pattaya nung YWAM senden ayongzüka agiba sülen küm trok shi lir Together 2024 senden ayongzüka agiogo.

Coronavirus wara mapang süiba aser YWAM tentetsang, Loren Cunningham süadokba sülenbo tang mezüng YWAM senden ayongzüka agiogo. Loren Cunningham arrshi küm 88 lia yaküm October 6 nü alima nungi pila.

1956 küm Cunningham-i mangdang ka anguba sülen küm

pezü lir 1960 küm pai Youth With A Mission (YWAM) tenteta liasü. YWAM tentetba sülen küm 65 buba arudang iba organisation ya alima nung Khristan mission tulutiba rongnung ka kümogo.

2010 küm YWAM küm 50 ajungba mapang nung YWAM nung toklang volunteers 30,000 dak tema liasü. Item sentongtem nung nisung million 5 dak temai shilem agiogo.

Cunningham dang "Six Million Man" aja, kechiyong linük ajak semdangba mezüngbuba Khristan missionary ji pa liasü.

Anogo ishika tejaklen YWAM Together-i sangdong ka ajanga, "Ministry balala aser alima tesem balala nungi onok longjemogo. Iba mapang ya tembar yimtepshiba, tashi itshiba aser tamang nung ajungshitepba den küleme longjemshiba mapang ka lir," ta metedaktsü.

Together 2024 senden nungji tanurtem aser lanurtem dak rangloker "partners in the mission" ta ser sentong ka agi.

Iba senden nungjisa Tsüngrem tali tarokba metettsü, alia amangtsü, sarasadem ajanga linüktem kongshitsü, YWAM aser iba telok tentetsang otsütem ajanga ajungshitep aser YWAM nung pei shilem angatetsü onüktem jembia liasü.

YWAM Europe nung taoba mapang lenir aser tang Schuman Centre for European Studies nung Director, Jeff Fountain-i, tang mezüng Loren Cunningham medeni iba senden agiogo, ta ashi.

Jeff Fountain-isä, "Mosa (Cunningham) süadok. Pa melen shiba shimtsüar sentong maliasü saka mapangtem süia arudang onoki sempet jenti aliba lanurtem aika 'Yihusua' putu mapang ajangshi, aser parnoki iba senden atema sentong renem aser parnoki tarutsü atema iba mission lenitsü," ta metedaktsü.

Fountain-i, "Shingaia Loren memelenzüktettsü. Tejakleni aotsü atema lenirtem telok ka nüngdak ta ni bilemer," ta metedaktsü.

yimsü mezüngmeshiogo. Ketzdangsertemi Pello dang asüngdangyaba sülen oadok aser pa-a kidang nungi ayazüka ao. Aonung 11:00 ako meta pa kidangi shilangdangbo police-i par ki kakpoka takdang ajak mita repranger liasü. Iba sülen police-i pa puer ao.


Yaküm April 17 nü pa anema ken o angadangba sülen Malan district court judge-i pa küm ana ser ita trok jail nung puoktsü obendang agüja liasü.

Pello ya Coptic Orthodox Khristan ka lir. Pa ya East Java nung aliba Christian theological school ka nung professor liasü. Pai mapang shia Khristan yimsü aser Islam yimsü na medemdaengba video upload asür.

Indonesia linük temzung nungbo yimsü temeden agüja lir aser ketzdangsertemia yimsü temedenji kanga tongtibang ta ashir, ajisüaka mapang shia linük nung Khristantem aser tanga minorities-i reshikangshi ajangshir.

Indonesia nung Khristan yimsü pusemer, Gratia Pello chiokogo

Gratia Pello



September 13, 2024: International Christian Concern Indonesia nung Khristan yimsü pusemer, Gratia Pello küm ka shi tepuokdak aliba sülen tawa chiokogo, ta International Christian Concern (ICC)-i metedaktsü.

Pello-i Islam ainkar Muhammad mezüngmeshi, ta tai tonglokja 2022 küm December 6 nü pua liasü. Pa apuba sülen ita aika pa kong aliar mejangjateti liasü.

Tawa Pello den tongtepratepa jembir

peziü pa dang asüngdangya aser pa indang YouTube channel nung episode 248 indang tejangja asüngdanga liasü. Police-i ashira agi, episode 248 nung alibaji ajanga Muslim nungterem aser Islam

ANOGO ABEN TSÜNGREM DEN

Ne taküm samaba

Kechiaser shibai pei taküm soitnüdir aji samatsü aser shibai ni atema pei taküm samadir aji angutsü. Mathi 16:25.

Khristantem dang pei taküm samatsü özüng agütsü. Ibai teti parnoki peisasa parnok taküm Tsüngrem aser Pa yimli asoshi agütsütsüla. Tsüngremi tenyaba mapa na asoshi tetsükdaktsü tulutiba kaji, na akaba nung ne temeten- ni kechi bena aru iba nung kü mulung kaa jangratema alitsü ni temeten kar ta bilembaji lir. Item osettemji Khrista nem agütsütsüji tasak masü aser tenla masü, nai lemang mashi ka nungi aji inyaktsü akok. Tejangjabaji ibai, koba tajung aser nai meimer ibaji na aser Tsüngremi mulungba tetsüngda nung noktaktsü akok.

Tatishitsü agi, ner tanur aser semchir anasa alibaji junger, Tsüngremi tenyaba mapa inyaktsü asoshi Pai na yimti kati mesüra alinük tanga kati Pa den aotsü mulunger. Anisüngzük teperi agitsüji junger saka aonung tiprong nung na ajatsü akok. Oset kar nungbo na temeten kar ta nai bilemtsü akok, saka Tsüngremi na akaba ajak Pa aser Pa nükjidong asoshi agüjang ta asüngdangtsü akok (Matt. 19:21).

Taküm tsütsü Yisui iba inyakyim abensaa sayu. Kotaker tesüne nung pelaa alitsü Pa temeten liasü. Aji saka idakji Pa temeten lir ta pai mesot, mesüra item ajak toktsübaji Pa tenla ta Pai mebilem (Fil. 2:5-11). Iba yongji Tsüngremi Pa kanga ulutsü aser teraksa lima ka dangi tekümtet bener aru.

Almai nai agitsü kar nungbo temeten kar ta ajungshia lir asü? Nai ne taküm kümzüktsü meranger asü? Yamaji inyakdang Tsüngremi ne nem kadaktsünuba taküm samadar ta nai metetter ma?

Baptitsü atema China nunger lanur ka Australia tashi ao



Aaron baptidang tangokba noksa nung angur.

September 13, 2024: China pastor, Rev. Tzeh Yi Chan den nungi lanur ka baptitsü atema tongtepratepba sülen lar jabaso Australia nung Melbourne yimi baptitsü atema bangjema liasü, kechiyong China nungbo yimsü temeden maliba ajanga lar jabaso baptitsüji tamakotsü liasü.

Osangbener den jembidang Chan-i, pai Aaron interview agiba ajanga pai baptiba chichia angateta aliba jangja liasü, iba sülen ita asem shi lir Aaron aser tetsü na tayimtsü ajanga Melbourne (Australia) tashi oa liasü.

Tainlonglong lanur, Aaron densema lanur ishika St Thomas Argo nung bapti. St Thomas Argo nungji English aser Cantonese oshitem nung tekülem sentong agir.

2007 küm Argo ana- St Theodore's, Wattle Park aser St Michael's, Bennettswood na ka küma longjema liasü.

Aaron tetsüi Australia nung aliba Chinese Argo nung jenjang tashi itdaktsür, ta ashi.

AO OSHI ANGAZÜKDAK:

TANÜ ANGAZÜKTSÜBA OJANG



Tir Yimyim

Tananü

(adv) anogo ana buba (second day)
 * Lenmang lapoker tananü tzünglu aru.

Tanatsü

(adv) temeyong marongtsü mesüra memenentsü atema amshiba sü (potholder)
 * Chipo tatsük ajungzük dang teti tanatsü amshitsüla.

OLONG PAITEP # 6923


	1			2			3
4							
				5			
6		7			8		9
				10			
11							
12					13		
				14			
15							

TIPLEN :

	LANGTSÜNGLEN :
2. Meyoktep	- 5
4. Teyira	- 5
5. Aor tebur dang ajaba	- 6
6. Timba angutsü merang	- 6
10. Tebilemtsü	- 6
12. Aochia bilemba	- 6
14. Anenzüka anisüngzükdak	- 5
15. _____ r	- 5
1. Nünü'er jala	- 3
3. Endok-enra	- 4
4. Tongti medemer	- 6
5. Tekong nung azükba	- 7
7. _____ an	- 3
8. Oset abenba	- 3
9. Ammang tesangwa	- 6
11. Te_____m	- 4
13. Mesük	- 3

OLONG PAITEP # 6922 TELANGZÜBA**TIPLEN :**

	LANGTSÜNGLEN :
1. Telok, 4. Aluru, 6. Ozüng, 8. Emk,	1. Tenükjang, 2. Luden, 3. Kioctsü,
9. Kin, 10. Teti, 12. Sür, 13. Jen,	5. Lenti, 7. Tajangzük, 11. teronem,
14. Ola, 16. Talak, 17. Mazük.	12. Sempa, 13. Jahaz.

NAI-A YA METETTER MA

September 5, 2024 nü China-i Guinness World Record tasen ka ngutetogo aser ibaji "the largest drone light image" lir. Shenzhen nung aonung drones 8,100 agi anüng yabang aser patterns balala yanglua sayua liasü.

Tesla aser SpaceX CEO Elon Musk-ia social media nung iba sentong atema tenüngsang agütsü aser alima nung China nunger technological tashi aitba indang ashi. China-i tang tashi nung Guinness World Records 1,000 jungnua yanglua lir aser kümshia Guinness World Records atema applications aika agüja arur.

Technology tsütsü China kanga tejakleni aoer aser artificial intelligence o 5G technology nung parnok kanga renlokogo. Iba ajanga China ya "global leader in innovation" ama züngshir.

Tinsukia nung NSCN (IM) züngsem den prangpong-injangtem apu

Guwahati, September 13, 2024

(Agencies): Tinsukia district kubok Inthem Ghat area nung sepaitemi NSCN (IM) züngsem ka puogo.

Osang tejangja ka angazükba sulen Indian Army den Assam police-i September 12, 2024 anepdang mita aodang telungpur apu ta Kohima nung amenoka aliba Defence PRO, Lt Col Amit Shukla-i ashi.

Pa ket nungi pistols ana den magazines, grenades 3 aser

injangtem ngutetogo ta pai ashi. Myanmar den arrtsüa lir.

Arunachal Pradesh kubok arrtsülen aser talisa Changlang district nung United Liberation Front of Assam-Independent (ULFA-I) aser NSCN telok balala dena telungpurtem aliba tesem ka ta züngshir.

Telungpur teloktem Myanmar nung amenoka lir aser parnoki India telungi miima aiter aser ozüng alema inyaksangshiba sulen parnok tesepi meyipa aor ta osang ajanga ashi.

Chin National Front-i CDF Hualngoram dak tai tongloksür

Aizawl, September 13, 2024

(Agencies): Tan ita tetenzüklen CDF Hualngoram telungpurtem Mizo nunger tanur ana pur aoba atema Chin National Front-i Village Council President (VCP) dangi tatak meshiba shidi ka züluogo.

"CDF Hualngoram züngsemtemi lisopur ana apuba aser tim mesüi benshiba atema temulung raksar. Onoki iba atema sasa bilemer" ta Chin National Front Vice Chairman Dr Sui Khar-i shidi nung shia lir.

"Iba ya CDF Hualngoram-i tenüng agitsü aser tanur ana chioktsü atema mapang talangka agiba atema aoksar. Onoki iba tebilemtsü atema meratem agidar aser tarutsü nung ibala ya

mataloktsü" ta paisa ashi.

Shidi nungsa Zokhawthar town nung VCP dang tatok meshiba aser CNF-i dak temulung alemtsü aser amalitep alitsü indang nenshia shia lir.

Champhai district kubok Zokhawthar yimtsüng nungi arishi küm 15 aser 16 tain tanur ana Chin Defence Force (CDF) nung Hualngoram teloki pur ao.

September 1, 2024 nü Mizo nunger tanur pungu kenbo bikes nung mener Rih Dil Lake-i ao.

Idakji CDF Huanlgoram züngsemtemi parnok sot aser taoba nung Zokhawthar lanur kar den mangattep adokba tenüng amer züka merenshi.

Iba mapang tanur asem jena

otet saka telungpurtemi ana apu. Anogo ananü Rih Dil lake anasa tena ayuba sulen Seik Village nung aliba CDF Huanlgoram Camp-i tanur anaji anir ao.

Seik village atongba sulen tanur anaji tepuokdak ka nung ayu aser reshikangshi ta osang angazüker.

Assam Rifles-i tebang aiba aser Chin National Army o CDF Huanlgoram rongshiba sulen September 6, 2024 nikongdang tanubosang ana chiock.

Tanur ana pur aoba atema Zokhawthar nung alirtemi jashir aser parnoki Chin telungpurtem dang Mizoram nungeri parnok pelaa agizükba aser jenokdaktsü nenshia metedaktsüogo.

Arunachal nung küm 6 jenshia arur ka police-i apu

Itanagar, September 13, 2024

(Agencies): Arunachal Pradesh nung tanur ka dak tashiyim agi shi nung medemer ka küm 6 tashi jenshia aruba sulen Capital Police Team-i puogo.

Sub Inspector Samuel Ngupok lenisüba kubok Constable Sandeep Yadav, Constable Lobsang Gyatslan aser Lady Constable Arty Degu nunger den District Detection Team-i iba nisung apu.

Tanü nikongdang 2:00 ako meta Special Team-i Guwahati nung Rajesh bushiteta apu. Pa

dang Gour Kishor Singh ta-a ajar aser POCSO Act kubok pa dak tai tonglokja lir.

Iba ken o ya Yupia nung Special Judge (POCSO) tsüngdang benoka lir.

2015 nung Rajesh-i tanur tetsür ka dak tashiyim agi shi nung medemba atema apu aser 2018 nung pa bail nung



Manipur kubok Churachandpur aser Kangpokpi district tem nung sepaitemi prangpong-injangtem apu ngutetogo aika. Indian Army along den Manipur police, Central Reserve Police Force (CRPF) aser Border Security Force (BSF)-i mita aodang 7.62mm AK series assault rifle, country-made improvised mortars (pompi), modified M-16 rifle, 7.5 feet country-made rocket, country-made mortar, ammunition aser tanga combat materials ngutetogo.

ISL 2024-25 season atema North East United FC renema lir

Guwahati, Rongjui/Sept. 13

(Agencies): North East United Football Club (NEUFC) ya otsü yanglua taküm August ita Durand Cup takok anguba sülen Indian Super League's (ISL's) 2024-25 season nung asayatsü renema lir.

Highlanders yagi Durand Cup final nung defending ISL champions Mohun Bagan Super Giant madak penalties ajanga takok angu, aser iba takokji ajanga taoba ISL season nung jenjang tenet buba nung tembangaka taküm temulung lema asaya tenzüksü.

NEUFC head coach Juan Pedro Benali-i aginüba ama results ngutettsü atema akokba yimya nung rangloka lir, ta ashi.

"Tang asoshi onoki Mohammedan SC den mezüngbuba asayatsü aliba nung rangloka lir. Ibaji alema onoki mebilemer. Home mesüra away asayaba atema kecha mali. Temelensi tila karbo alitsü, saka yangji tepila tulu

maka," ta Benali-i ashi.

"Fans tem nungi teimlaji teti alitsü. Iba atema onok kanga pelar. Onoki temulung lema tenük anünglen ranglokner saka kasa mapang tetsüng ali nung ajemita liner," ta pai ashi.

Iba club indang CEO Mandar Tamhane ya Bengaluru FC nung küm ter lir taoba season nungi NEUFC nung dena lir aser paia Durand Cup akokba ya Highlanders mentality tashi ita aliba kuli lir ta ashi.

Iba title akoktsü atema timtem aika ajanget aser iba result yagi Indian football nung team aika ajungmesotsü, ta pai ashi.

"Onoki Durand Cup akokba ajanga asayar, coaches aser team aika ajungmesotsü. Indian national team nung asayar aika aliba Mohun Bagan Super Giant team den onok asaya. Onok Salt Lake Stadium nung asaya, kong Mohun Bagan bhusemer nisung 35,000 adenshia liasü," ta

Tamhane-i ashi.

"Kolkata Derby nung fans tem team ana tsüngta sadanger liasü, saka yangibo parnok ajak Mohun Bagan fans tem liasü. Iba ama tensa nung half-time mapang 2-0 agi tamakoklen aliba nungi shia arua takok ngua asayatetba ajanga asayar aser coach tem tangatetba sayur," ta pai ashi.

NEUFC nung asayar ajunga kibong ka nungi amai lir aser ISL indang 2024-25 season nung takok angutsü temulungtetba nung lir ta pai ashi.

"Team nüngdakba tilatiba nungi tulutiba tashi reprangsü atema Mandar Tamhane aser John Abraham lir. Iba yongji dressing room süngjema lir. Onok tabubang nung khuret tulu bener nokdaka lir," ta pai ashi.

NEUFC ya ISL 2024-25 season tenzüka Mohammedan SC den Kolkata nung aliba Kishore Bharati Krirangan nung September 16 nikongdang 7:30 ako nung asayatsü.

India den Test asayamung atema Bangladesh team sangdongogo

Rongjui/September 13,

2024 (Agencies): Pakistan den asayaba mapang groin yiruba sülen Bangladesh nunger pacer Shoriful Islam, India den iba ita Test ana asayatsü aliba nung shilem magitetsü, ta linük board-i Brehostibarnü metedaktsü.

Pakistan nung Test anaprongla akokba sülen Bangladesh team tang jenjang kanga junga lir. Parnoki tang mezüngbuba Test asaya nung Pakistan kokogo.

Arishi küm 23 tain Shoriful, shibai Rawalpindi nung mezüngbuba Test asaya mapang wicket asem agia liasü, pa yiruba sülen tanabuba asaya nungbo shilem magitetsü.

"Left-arm paceman Shoriful Islam groin yiruba tang

tashi tanepstsü junga monguteti lir aser pa iba asayamung nung shilem magitetsü," ta Bangladesh Cricket Board-i metedaktsü. Reuters sangdong ka ajanga metedaktsü.

Pakistan den tanabuba Test asaya nung century ka yangluba sülen Litton Das maneni wicketkeeper asütsü saka Jaker Ali Anik-a backup wicketkeeper ama team nung züngoksemogo.

Linük ana tsüngda mezüngbuba Test asaya Chennai nung September 19 nü tenzüksü aser tanabuba Test Kanpur nung September 27 nü tenzüksü.

ICC-i sangdongba official Test rankings nung India team Bangladesh dang nungi jenjang

tenet agi timba lir aser parnok World Test Championship ranking list nung temaba jenjang nung lir.

Rohit Sharma-i aniba India team ya Bangladesh den asayaba sülen Kidang New Zealand den Test asem asayatsü aser iba sülen Test asaya pongu atema Australia-i aotsü.

Bangladesh Test squad:

Najmul Hossain Shanto (captain), Mahmudul Hasan Joy, Zakir Hasan, Shadman Islam, Mominul Haque, Mushfiqur Rahim, Shakib Al Hasan, Litton Das, Mehidy Hasan Miraz, Tajul Islam, Nayeem Hasan, Nahid Rana, Hasan Mahmud, Taskin Ahmed, Syed Khaled Ahmed, Jaker Ali Anik.

Laver Cup nung Nadal shilem magitsü

Barcelona, Rongjui/Sept. 13

(Agencies): Rafael Nadal tan ita asayatsü aliba Laver Cup nung shilem magitetsü aser Team Europe asoshi takok bena arutsüpur dangular asayartem lir ta amanger, ta ashi.

Arishi küm 38 tain Spain nungba ya August ita Paris Olympics nung tebur tarep quarter-finals nung külem linük nungi Carlos Alcaraz den külemi tamakok ajuruba sülen asaya kata nunga shilem agia mali.

Grand Slam singles takok 22 ben nguteta alisang Nadal yagi yiruba mesüra temang majungba indang kecha mashi saka 2024 ya pa asoshi season tatembangba asütsü ya pai taoba mapang shia liasü.

"Taruba hopta Berlin nung asayatsü aliba Laver Cup nung ni shilem magitetsü ta jashiseta osang lemsateper," ta Nadal-i ashi.

"Ibai team tetokteba lir aser Team Europe yaritsü atema parnok atema koba tajungtiba aji ni inyaktsü nüngdaker aser tang team-i iba takok anguba nung yaritsü atema danga asayartem lir."

Laver Cup ya Team Europe aser Team World tsüngta Berlin nung September 20 nungi tenzüksü lir.

2024 küm asayamung ajak nung shilem agitsü teimla liaka Nadal-i asayamung tulu pezü nungi ka – French Open nung dang asaya, aser yangji first round nung Alexander Zverev-

i tsükdaktsü.

Olympics nung rangloktsü mechii Wimbledon asayamung nung shilem magiba sülen Paris nung pa tepi nung timtem ajurua iba asayamung gold medal angusang Novak Djokovic-i tebur kija asaya round tanabuba nung tsükdaktsü.

"Laver Cup asaya nung jangratemtsü aser tepelatsü mapang aika ajangshiogo aser captain ama Bjorn tatembangba asayadang aser kü teamates tem den külemi alitsü imlaa atar," ta iba asayamung nung asemen shilem agir alisang Nadal-i ashi.

"Team Europe asoshi tia tajung lidakjang ta imlatsür aser ni meta nungi parnok bhukuma alitsü."

BENDANGLI OSANG : Tapak 7 nungi... Tasemben o intepba malitsü...

Reuters/Ipsos poll ka Brehostibarnü tembangba nung November 5 presidential election akoktsü atema Harris jenjang shilem 47 aser Trump jenjang shilem 42 lir ta sayu, kechiaser voters timbai iba o intepba nung Harris-i kokogo ta bilemer.

Ananü poll nungya registered voters tem rongnung Harris shilem pongu agi tajungba liasü, koba August 21-28 Reuters/Ipsos poll nung Trump dang la point pezü agi temaba liasü.

Mongulbar aonung o intepba indang terabong angashiogo ta ashir tem shilem 53-ibo Harris-i kokogo aser shilem 24-i Trump-i akokba

ama ashir aser tanüngba nisungtem yagi katia makok ta ashir mesüra poll nung telangzüba magütsü.

Ukraine-i long-range weapon amshira NATO...

Russia-i tashi ajak amshia 2022 küm Ukraine maka tenzükba rara nung na shir den adener ta anogo ana tejakdang Harris den o intepba mapang Trump dang asüngdang dang, pai shinga bhukuma mejembi aser "Ni iba rara anendaktsüner," ta dang langzü.

Ukraine-i mebishiha nung inyakteptar ta Biden-i langzü aser külen US Secretary of State Antony Blinken aser British Foreign Secretary David Lammy na külemi Ukraine yimtiba Kyiv semdanga teyari ano sen \$1.5 billion agütsü sangdong.

Blinken-i Ukraine dak rangloker Europe nung linük asem sema jajaba Brehostibarnü Poland nung tembangogo aser iba mapang Ukraine ketdangsür temi Russia linük telung nung amaktsü atema Western linük temi agütsüba long-range nok-nü amshitsü ajungshia liasü.

"Russia-i kechisa inyakba agi melensihiogo, yamaji tongpang melensihiogo, asenoki yangji liteter," ta Blinken-i Warsaw nungi osangbener senden ka nung ashi.

Civilian targets nung akhaba missiles ya Russia linük nungi bomber aircraft ajanga khaloktsüba lir. Item bombers ya Russia litsü nung aliba airfields nungi ayamesoba lir," ta Sikorski-i ashi.

Russia sepaitemi Ukraine anüdoklen Donetsk region nung sashia amaker aser linük tesem ajunga nung tayimtsü amshia amakba tali kumogo.

Ukraine-ia August 6 nü aoksa arütsü alema oa amakba sülen Russia anüolen Kursk region nung amaker, saka Moscow sepaitemi meyiper amaktsü renemshir, ta Zelenskyy-i Brehostibarnü ashi.

BILEMDANGANG

"O tulu jembiba nung aiben mapa tajung malir."